

Uunga siunnersuut: Namminersornerullutik Oqartussat kommuunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaata allanngortinneqarnera pillugu Inatsisartut inatsisaat (Inissianik attartortittakkanik pigisatut inissiannortitsineq, kaaviaartitsinissamut inerteqqut, piffissaq sioqqullugu taarsigassarsianik akiliineq il. il.)
(Ineqarnermut Attaveqaasersuutinullu Naalakkersuisoq)

Saqqummiussissut

(Ineqarnermut Attaveqaasersuutinullu Naalakkersuisoq)

Siullermeerneqarnera

Naalakkersuisut sinnerlugit uunga siunnersuut saqqummiuppara: *Namminersornerullutik Oqartussat kommuunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaata allanngortinneqarnera pillugu Inatsisartut inatsisaat*, attartortumit piginnittumut aaqqissuussamik ilisimaneqartortaaq.

Allanguutissatut siunnersuummi anguniarneqarpoq, kommunit Namminersorlutilu Oqartussat allaffissornikkut oqilisaanneqarnissaat kiisalu inuiaqatigiit aningaasaataasa pitsaanerpaamik atorneqarnissaannik qulakkeerinninneq. Tassunga atasmik attartortut pisortat inissiaataannik namminneq attartukkaminnik pisisinnaanerannut periarfissat pitsanngorsarniarlugit allannguisoqarnissaannik siunnersuusiortoqarpoq, immikkullu inuusuttut siullermeerlutik pisiniartussat periarfissaannik aamma pilersitsisoqarniarluni.

Siunnersuut ineqarneq pillugu aaqqissuusseqqinnerup atuutilersinneqarnerata ilagaa kiisalu siunnersuutunik *Inissiaqarnermut suliassaqarfimmi aningaasalersuisarnermut aaqqissuussinernik nalilersuinermeersunik* aallaavigisaqarluni.

Siunnersuummi sammisat pingaarnertit uku ersarissarusuppakka:

- Maanna attartortunut tunisinerup akianik appartitsineq procentimik tamanut atuuttumik appartitsininngorlugi allanngortinneqarpoq. Najugaqarfinni illuummik qularnaveeqqusiilluni taarsigassarsisoqarsinnaanngikkaangat pisinerup akianut appaassutissatut tamarmiusup tamanut atuuttup 20%-iusup maanna 30 %-imut qaffanneqartoq siunnersuutigineqarpoq. Taamatut allannguinnikkut aaqqissuussap allaffissornikkut suliassartaa pisariinnerulissaaq, inuillu amerlanerusut kiisalu inuusuttut sivikitsumik najugaqarsimasut pisinermi aki appartissinnaalissallugu.

- Najugaqarfinni illuummik qularnaveequsiilluni aningaasalersuisinnaanngiffiusuni pisinermi akip 50%-iilik pisortanit taarsigassarsinissaq periarfissanngortinneqarpoq. Tamanna attartortut aaqqissuussamik atuinissamut periarfissaanik pitsanngorsaassaaq.
- Inuusunnerusunut piserngaartunut periarfissat pitsaanerusut pilersinniarlugit, inuusuttut 30 inorlugit ukiullit inissaateqariinngitsut attartortut assigalugit atugaqartinnissaat siunnersuutigineqarpoq. Taamaalillutik inuusuttunut attartortut inissianik attartukkanik allanngortinneqarsimasunik pisisunut piumasaqaatit assigalugit akikillisaaffigineqarlutillu pisortanit aningaasalersuisoqarnissaanik pissarsisinnaassapput. Tamanna inussuttut 30 inorlugit ukiullit inissiartaarnissaannut iluaqutaassaaq.

Allannguutit allat tullinnguuttut erseqqissarneqassapput; Naalackersuisut imaluunniit kommunalbestyrelsip namminneq suliniuteqarnerisigut pisortat inissiaataasa attartortittakkat inissiatut nammineq pigisatut allanngortinnissaannut aalajangiisinnaanngortillugit periarfissaanik aalajangersakkamik ilanngussisoqarpoq. Erseqqissaatigineqassaaq inissiaq taamaallaat najugarisassatut atorneqarsinnaammat, kiisalu pisortanit sillimmasiissutinut taarsigassarsinermilu allagartat kaaviiartitanut atorneqarsinnaanngimmata. Piginnittumik taarsiinermut ilanngaata 15%-imut aalajangerneqarpoq, kiisalu kingumut nuussinermi erniaritinneqartoq Naatsorsueqqissaartarfiup qaammatinut 12-nut kingullernut atuisunut akinut naleqqersuutinut kingullermik naatsorsuutaanut 1 procentpointimik ilallugit naapertuuttumik ernialerlugit allanngortinneqassalluni. Taarsigassarsiat siuliani taaneqartut allanngortinnissaannut imaluunniit illuutip allatut pingaarnersiuffiginissaanut ilaasumik taarsigassarsiarititaasimasut pillugit pisortani oqartussaasup ataqqinninnermut nalunaaruteqartarnissaanut pisinnaatitaaffiliisoqarpoq.

Naalackersuisut siunnerlugit taamatut oqaaseqarlunga manna Inatsisartunut oqaluuserisassanngortippara.